

# The Makuilongdi Express

Liangmai Daily Newspaper

"Mazibo niu ngamne"



Olympic Silver medalist Saikhom Mirabai Chanu hai pa-tah (Wrist) ajam bamdi thainai mien mathenjiu bambo National Game ga maipui maigu 49kg Weightlifting ga Gold medal malajiu doulu misune chiujiu dinne.

Danish soft rock and pop rock band Micheal Learns To Rock (MLTR) gu band hai thaikum Me'gong Festival Goro Hill ga wangjiu concert kamraye chiujiu dinne.



Zengtung 1 Chagaahiu 2022 Nidwannai Chiang PO Tamei ,Tamenglong Dist. Manipur Vol.01. Issue 10 Page 1

Chakheng tathan niu tadui ka-agibo giutu machunbukum, Idi natu machunjiu bamme,Oh Tingwang yo. Tathoilui 42:1

**Assistant professor khat tu show-cause notice pibo jengniu MU ariaknah mai protest tadkiu mide.**



Imphal Free Press

**N-gen.30:** Manipur government niu university gu assistant professor of the Manipuri department Naorem Sanatomba niu state government tu pagu tacham ga chiaye chiubo zengniu patu show-cause notice bohahi mazi makge chiujiu Manipur University gu ariaknah mai Masannai protest hai tadkiu mide. Ariaknah mai chamai kengjiu university administrative block nai registrar office ga wang lujiu show-cause notice hai revoke thiulan milo, acadamic freedom haitu chakhuang thiu khailo chiujiu kheng mide. Assistant professor Naorem Tomba niu Manipur University Students' Union (MUSU) gu debate competition nai tacham dinbo ga, state government niu zou lemibo khatdi tourism lamga state tu chia masa ye chiujiu patuhai Kadamnai nai registrar W Chandbabu niu show-cause notic hai patbowe chiujiu dinne. Pahai Central Civil Services (Conduct) Rules, 1964, tu phungken ne sinu zeng chania lung ga palamsi rilujiu wangra dinpad mibowe. Situ ariaknah phom, AMSU,MSF,DESAM, KSA, SUK,khatdi AIIMS dung niu condemned thiu we chiujiu dinne.

**LNBA(M) SCC, Namdilong nai LBCC Mainiu sikhai makbo/ Namdilong kakga kawi thiubo tien hai wiji chak khai makbo liangtuang dungtu palun sikhai raye. CM Biren**



TME. Tamei

**N-gen. 30:** Tadmibo zengtung 30th N-genhiu 2022 Masannai LNBA(M) Sub-Centre Church, Namdilong nai Liangmai Baptist Centre Church, Namdilong kakga Rapiu zan gasu kawi thiubo tienrang hai LNBA(M) Sub-Centre Church Namdilong ga, " Agi-manai bo leng tenbambo maise sanwiye," Matt.5:9a gu ladpui hang gasu wiji

tadkiu khai mide chiujiu dinne. Haibo madui gasi Rev. Ch. Widabou Newmai, Chairman LCCC niu Singku thiujui sigasu Rev. Dr. Tanliabou Kalengta, Chairman Pastor's Council niu zupou thiukhaijiu Phumling nia lamsu chamai kengjiu wang padam lu mawiji lukhai mide. Haibo tienriam ga Pastor M. Liangpibou, Vice Chairman cond. P.2

National Commission for Scheduled Tribes (NCST) niu organised thiu lujiu One-Day National Dialogue on Tribal Heroes in India's Freedom Struggle chiubo ladbam hangga tadmibo kajannai Centenary Hall of Manipur University, Canchipur ga tadkiu khai mide. Siga Chief Guest thiukhaibo Chief Minister N Biren Singh niu dinjiu British niu mawangbo tingdou chariu khengjiu khenrang thiura matan khaimibo khatdi shaikhai mibo maidung tu pawan katheng sikhai makbo khatdi tachak chak khai makbo liangtuang dungtu piji palun sikhai raye chiujiu tacham ga panu dinne. Meijinlung Kamson, Ex-MP niu roukhaibo ariak aliu Liangmai liangtuang dung, (Feedom Fighters) jan nai param jan khaibamme.

1. Tamah = Meisonghu
2. Ileng = Kaikhamang
3. Ileng = Chameipong
4. Ileng = Renglanbou
5. Kuilong = Leisang

condt. P.2



**Ukraine gu namdih Zaporizhzhia ga Russia niu attack thiujui 25 shai khatdi 28 niu ajam mide.**

Al Jazeera's com.

**N-gen. 30:** Russia gu misile niu n-danai , Masannai Ukhrainian namdi Zaporizhzhia region Orekhovo namgu car market pamung taiga maidi- maida maigu gari tadkinbo tu attack thiubo gasuchamai 25 hai shai mide khatdi chamai 28 san

ajam mide chiujiu Ukhranian Time gu tacham gasu dinne. Haibo attack hai Russia niu Ukraine gu kadh asut n-gut lubo dung official proclamation thiu lubi sai wanchak khat kumbo kakga attack kambowe chiujiu tacham ga dinne.



**@@@Ania dating mathak mikhe pawan khatra, Arainah!**

**###Hum! N-de kamjah? Mai katamtu ngoulan mijiu mah?**

**@@@Ashhh! Nangtijah, Ukhrul ga khat Kangpokpi ga khat chiu Covid positive doulan sua.**

**###Khaish Malaju weh!!!**

Tacham pikhai nibo khatdi alam khaini sai 9366176046 alam khailo.



Mikrebo situ lungsabo ronna niu pingam khai ngamme

Editorial

**Maiken chiabo**

Maiken chiabo chiubo hai kawibo khatdi kasa palam nia bamme. Chamai kakeng niura kawijai lam chia makjiu kasa jailam chiakhai boniu keng nge. Maigu maji makbo ken chiabo gasu maigu karingting kam masa mibo di ha makge. Maigu ngamkam kamakbo madambo (character assisinate) hai sinu maliga ronnang makjiu society gadi effect thiuwe. Aliu Liangmai society gadi maitu khanbo/ maiken chiabo hai tadnahbo kalirabo kadibo khat thiubamme chiujiu dindi moulak bam sumah chiujiu lukhai ye. N-dah mai khatniu mai khangkhat piuniu ariak roupadbo tu khanjiu haichiu dinne chiuwe, nagu maji makge, chiu bjiu ariak roupadbo piuniu agu maji maksai nagu majibo phuikhe chiu kheng bjiu wacham din khaira ha tane chiujiu dinne. Maiken chiabo, khanbo sung kawibo jaiga moubam niusai kam maji khaibo niu chakak ga kawi thi u jiu society hai muisu lusune.

condt. from P.1

**Mainiu sikhai makbo/ chak khai makbo liangtuang....**

6. Riteng = Khusinlungbou  
7. Riteng = Kaluiba  
8. Phumjeng = Tengksamang  
Haibo aliu Liangmai dung tudi Freedom Fighter jan ga pisi khaira chiujiu panu phungkhang bowe. Routang makbodi waji bamlubui ye chiujiu Ex-MP Meijinlung niu roupadbo madu khaiye. NB. tuhoi government niu dinbo kumjiu panam namga khatdi paki kikhunga haikumbo ga joukhai mimai bamsai pawanga halubo maksai kam masanlubo niu wine.



**AICC gu President leng Kharge nai Tharoor atung sune.**

**N-gen.30:** All Indian Congress Committee(AICC) gu presidential election leng jeng niu tanjiu kadenjiu bammide. Tuhoi Rajya Shabha ga Opposition leader thiubambo Mallikarjun Kharge, senior congress leader Shashi Tharoor khatdi Jharkhand Congress leader K.N. Tripathi paliu hai president post leng atung sune. Tacham ga dinbo kumsai haibo president post lenghai 'neutrality' bamjiu kamraye chiujiu dinne chiudeja Gandhi kikhun mai khatdi Congress gu senior leader kakeng niu Kharge tu machuangbo masan jiu ngoupad bamme chiujiu dinne. M a s u a n g tingmik ge chiujiu dinne.

Deccan Chronicle New Delhi

Madhya Pradesh gu Chief Minister thiukhaibo Digvijaya Singh ra nomination che khoilu kam mak tamiye palamra Kharge kamraye chiubo jengniu we chiujiu dinne. Kharge tuhai Gandhi kikhunmai, Rajasthan gu Chief Minister Ashok Gehlot, Digvijaya Singh khatdi congress gu senior leader kakeng niu machuang bamme sigasu Shashi Tharoor tu Karti Chidambaram, Sandeep Dikshit khatdi tam-tambo senior leader dung kengjiu machuang bamme chiujiu dinne. N-genhiu 30 nai nomination kamlujiu Chagaahiu 8 nai withdraw thiulan rabo kanambo

**LNBA(M) SCC, Namdilong nai LBCC....**

condt. from P.1

....Chairman Pastor's Council niu zupou thiukhaiju Phumling nia lamsu chamai kengjiu wang padam lu mawijiu lukhai mide. Haibo tienriam ga Pastor M. Liangpibou, Vice Chairman Rev. M. Wizaung, Pastor Makhen, Rev. Ch. Lubui, Vice President LNBA(M) khatdi Rev. Ab. Maishuangamang President LNBA (M) paliu niu sulen rakheng, thonkiubo rakheng khatdi kaloibo kheng munkom rathoi hai lukhai jiu wiji tadkiu khaimide. Madui tienkam hinang loluju kawi thi lubo chunwibo maluat hai poncham khai mide chiujiu kalou khaibo (organising committee) phom gu tacham gasu dinne.

**Khengkhaibo**

Haibo 'The Makuilongdi Express' tu chalung sajiu kenkhai jiu bammai, chalad chalou rouwang tang makbo maksai kammoubo keng bamta lakge, sinu naliu gu suggestion hai dinsa makjiu pikhai ra agunne. Pahangga pikhai bambo Editor gu number naliugu ladpi khaibo tu agun bamme.



**N-gen.30:** Wangkinbo Under 19 Women's T-20 Trophy 2022-23, Chandigarh ga mathen rajeng niu Manipur U-19 Women's Cricket team Imphal gasu tadpad mide chiujiu dinne. Mathen ramai chamai 15 khatdi staff 5 chiujiu Team Manager Sanabam Binod Singh chiujiu tadmide chiujiu dinne. Manipur niu first match ga Haryana tu mathen sune sigasu Baroda, Mizoram, Maharashtra khatdi kerela tu chiujiu mathen sune chiujiu tacham ga dinne.